

北京圖書館出版社

清末時事采新策選

第十八冊



(清末)時事采新彙選

第十八冊

北京圖書館出版社

時事采新集選

光緒丙午年九月

光緒三十二年九月二十一日

禮部正紅旗值日無引 見 慶王璽中堂謝仍

爲軍機大臣 恩 世中堂謝在軍機大臣上行

走 恩 鹿傳霖等謝開去軍機大臣專管部務

恩 胡燏棻請假十日 掌儀司奏二十七二十九

日祭 奉先殿澤公溥備行禮

召見軍機

上諭此次改定官制除民政部學部農工商部尚書侍郎

均毋庸更換外吏部尚書仍著鹿傳霖補授左侍郎著

陳邦瑞調補右侍郎著唐景崇調補度支部尚書著溥

頤補授左侍郎著紹英補授右侍郎仍著陳璧補授禮

諭旨恭錄

光緒三十二年九月廿一日

一

部尚書仍著溥良補授左侍郎著張亨嘉調補右侍郎

仍著景厚補授陸軍部尚書著鐵良補授左侍郎仍著

壽勳補授右侍郎著蔭昌補授法部尚書著戴鴻慈補

授左侍郎仍著紹昌補授右侍郎著張仁補授郵傳

部尚書著張百熙補授左侍郎著唐紹儀補授右侍郎

著胡燏棻補授理藩部尚書著壽耆補授左侍郎著瑩

岫補授右侍郎著恩順補授都察院都御史仍著陸寶

忠補授副都御史仍著伊克坦陳名侃補授欽此

上諭嗣後大學士尚書侍郎均著毋庸兼管都統副都統

事務欽此 上諭溥頤未到任以前度支部尚書著鐵良兼署欽此

上諭廣西巡撫著柯逢時補授迅速赴任未到任以前著

張鳴岐暫行護理欽此

上諭大理院正卿作爲正二品著沈家本補授欽此

上諭奎俊著補授總管內務府大臣並著佩帶印鑰欽此

上諭蔭昌未到任以前陸軍部右侍郎著王士珍署理欽

此 上諭察哈爾都統著松壽補授欽此

上諭外務部右侍郎著汪大燮補授未到任以前著唐紹

儀兼署欽此

上諭載振徐世昌現在出差農工商部尚書著唐文治暫

行署理民政部尚書著毓朗暫行署理欽此

諭旨恭錄

光緒三十二年九月廿一日

二

上諭四品京堂程儀洛著辦理八省膏捐事務欽此

上諭岑春煊奏參庸劣不職各武員一摺廣東署增城營

參將順德協副將陳良傑縱子爲非妄拿肆虐儘先參

將熊紹友怠於操防專事酬應儘先游擊龍得麟行檢

不修罔知自愛水師提標中營儘先遊擊王昌齡嗜賭

妄爲官箴有玷署和平營都司裁缺廣西上林營都司

羅長林玩視捕務庇賭收規署惠州協右營守備廣西

儘先守備封俊虧挪公項行狡心貪督標中營儘先守

備董守佩嗜好甚深難期振作調補達豪營守備潘國

光聲名中常捕務不力難定協左營守備李樹勳年老

衰頹營務廢壞署陸路提標中營守備儘先守備袁仕

順貽誤要公臨操規避署那扶督守備督標中營左哨千總司徒觀任用著匪得賄縱劫均著卽行革職羅長林封俊並著永不叙用司徒觀並著歸案確訊從嚴究辦餘著照所議辦理該部知道欽此

上諭朕欽奉

慈禧端佑康頤昭豫莊誠壽恭欽獻

崇熙皇太后懿旨岑春煊奏查明粵省風災分別賑撫情形一摺本年八月初間廣東香港一帶及潮高雷廉欽等府州屬颶風猛烈溺斃人口損失船貨災情甚鉅爲數十年來所未有覽奏殊深憫惻本年該省廣肇高欽等屬被水成災業經發帑賑恤此次風災情形尤重加恩著賞給帑銀十萬兩由廣東藩庫給發該督卽遵

諭旨恭錄

光緒二十九年九月廿一日

三

派委員會同各該地方官員紳核實散放加意賑撫毋任流離失所用副朝廷軫念災黎之至意欽此

軍機大臣而奉

諭旨現在改定官制所有各衙門值日次序另行更定著各衙門一體遵照欽此

外務部吏部民政部度支部禮部陸軍部法部農工商部內務部內務府欽天監翰林院都察院宗人府學部審儀衛大理院郵傳部

近三百年學術變遷大勢論

錄申報

嗚呼吾言吾中國之學術吾心滋戚戚矣秦西之學術歷久而愈盛中國之學術歷久而愈衰自春秋迄戰國爲中國學術史最發達之時代自秦用陰柔之策以愚弱其民政體既更而學術亦因之不振吾嘗謂漢以後無學者唐以後無文章自宋迄明益不足道是故西人之恒言曰中國之歷史不名譽之歷史也中國之學術無思想之學術也吾愧其言雖然此特猶數千年來學術全體以東西相比較言之耳要不可一概論吾又聞立國之要素有二曰政治曰學術二者若影形之相附不可須臾離凡各國學術之盛衰無不與政治有關係者而中國其尤著者也中國歷代學術之盛衰無不與政治有關係者而近三百年其尤著者也故欲言近三百年之學術當先言近三百年之政體中國之政體一專制之政體也近三百年之政體又以一政府立於兩民族之上專制極點之政體也有明之季政治之腐敗國事之糜爛至於不可收拾自王陽明創立姚江學派不善學者往往習爲空談轉相獎借矯其弊者又倡性宋之說以相排抵非以宋攻王卽以王攻宋然宗派不同而流弊則一守性理之空言置國事於不問明亡之時氣節雖盛而終無補危亡當此時代不能不矯其弊者勞也欲矯其弊不得不求體用兼備之學者亦勢也是爲

丙午九月廿一日

國朝學派發生之第一原因

又試徵諸當時之政治本朝以東北一小部落入主中華壓制固不能不嚴反復亦不得不盛生其世者如膺鼎革之交目擊鋒鏑之慘種族之恩未泯恢復之志難忘欲恢復故國則不得不講經世之方鍼永郡國之利病又且間關生死奔走流離經驗既多艱苦備歷養成種種堅忍刻苦之性質迨至時機日過所志終虛義又不能立他人之朝食異性之祿惟有艱貞絕學託之空文其情可悲而其志可憫是為國朝學派發生之第二原因

有此二因而當時之學術可攷而知矣其人最著名足為當時之代表者則曰顧亭林曰黃太冲曰呂晚村曰李二

時事采薪彙纂第五卷

二 丙午九月廿一日刊

曲其學派則可分為四大宗一曰道學此派以孫夏峰呂晚村刁蒙吉為巨擘雖以明心踐性為宗旨然皆能持朱王之平堅苦自勵與偽學不同二曰經學此派中著名者若顧炎武若閻若璩若張爾岐若胡渭若王錫闡胡氏作而禹貢之學始精王氏起而天算之術始進張氏出而儀禮之緒始傳閻氏興而偽孔之古文始緇至顧氏為音韻五書則又為後來言訓詁聲音者不祧之祖三曰史學此派以萬氏斯同為最著萬氏所著各書以史表為最著吸收衆流脾晚千古蔚然為浙學一大宗萬氏之後惟全椒山能繼其業過此蓋絕響矣四曰經世學國朝諸儒無有不講求經世之學者蓋時勢所迫不得不然也其中尤矯

矯者若黃宗義顏元李琢王源劉獻庭彭士望王夫之孟

遠諸人皆身通六藝講求實學痛心於種族之禍思於中原有所盡力其立已也皆刻苦自守百折不撓非談空說有者所能比也其教人也則文事與武備並重無所偏倚非三家村學究所能比也其論治也則辨種族之是非彰君民之公理發前人所未發言當世所不敢言若王氏讀書黃氏得訪錄顏氏存治編唐氏潛書孟氏上各當道書皆與西儒學理息息相通者也諸人生於數百年前而能有此等思想吾國學界亦足以自豪矣

當時於諸家之外以漢學獨樹一幟而俯視千古者又有一人焉則曰毛奇齡毛氏著書數百卷抨擊宋儒無餘地

時事采薪彙纂第五卷

三 丙午九月廿一日刊

其學博故持之有故其才辨故言之成理其眼光銳故不為古人所囿實開中國懷疑派之先聲雖不免師心自出之弊然漢學昌明之機毛氏殆與有力焉不可誣也是為第一期

自順康至雍乾而學風又一變矣雍乾之時天下雖已大定然去明末遠民族之觀念尚未盡消在上者知其然也於是待士之策設為二方面於一方面則興文字之獄立講學之禁書之目論封建則有誅詩文稍涉違碍字面則有誅務使士之懷才智者不敢復究心於當世之務而妄議朝政於一方面則開宏詞之科設四庫之館崇尚經學使天下士敝其精神耗其腦力於無用之地而又可以專

崇儒重道之名則思邈之志息夫如是以當時之士聰明才力無所於用不得不集而說經嗚呼經學之無用久矣堯典二字可演爲萬言爾雅一書乃尊於九鼎魏源謂乾隆中諸儒講經學鋼智慧於無用何其言之有餘痛耶然而近三百年所稱爲最發達者莫漢學若昇又安可不一爲詳述也

吾言經學吾先正告天下曰經學之亡蓋數千年於茲矣一壞於東西晉之清談一壞於南北宋之道學元明以來此道益晦其能直紹兩漢者不得不推本朝經師最盛者不得不推乾隆朝乾隆朝之集大成者不得不推戴氏及惠氏父子前此閩胡諸人雖闢門逕然筆路藍縷以啟山

時事采新彙選第五卷

四

同治九月廿一日刊

林其道尙未大盛至惠戴諸子出始覃思古訓旁搜百家不惑於諛聞不奪於濫說所著各書若惠氏之九經古義戴氏之孟子字義疏証諸書皆所謂成一家之言垂百世之則不特在近世爲巨擘卽東漢而後亦無有能與抗衡者

當時又有專治一經與戴惠諸氏相輝映者則有如張惠言之於易周易虞氏義虞氏消息江良庭之於書尚書集注音疏胡承珙之於毛詩毛詩後箋秦惠田之於五禮五禮通考錢坫之於論語論語後錄馬驥之於左氏傳左傳事緯皆窮畢生之力爲專門之學集前代之大成爲曠世所遺者經學而外有與經學並興者時

則有若洪稚存之地理王蘭泉之金石盧抱經之蒐輯佚書畢秋帆之校勘諸子程瑤田之聲律章實齋之掌故皆無所承受足以自名其家然以上諸派不過爲經學之附庸卽諸家之研究各學者亦欲假此以爲解經說經之助不能與經學爭位置也

當此之時有與經學平均勢力足以風靡全國而迭爲消長者有一焉則曰文學中國文學之墮落已非一日自唐以後能自名其家者代不數遺至近世始一振之當時者據之風遍天下考據者其性質與文學不能相容者也當考據披猖之時代而文學之勢力仍足以與之抗衡者則以當時思開鴻博優禮文士影響學界之所致也考當時

時事采新彙選第五卷

五

同治九月廿一日刊

文學中最爲達者其體有三一曰古文近世倡古文者自侯朝宗魏禧吳應箕始然三家之文各有所蔽侯有小說氣魏有時文腔吳有策士習至桐城派興而面目始一變桐城派者以方苞劉大櫟爲始祖鑒於前明七十之弊遠法唐宋近宗姚燧歸有光其勢力蓋甚盛大梅珩言傳其派於江甯吳樞屏鄧顯鶴傳其派於湖廣陸祁孫張皋文傳其派於常州龍翰臣呂月滄傳其派於兩粵然其弊也取法過卑而空疏無具之士皆得依附桐城侈然以古文家自命除憚子居外無可取者當是時有不附方劉而另立宗派者又有三人曰袁子才朱梅崖胡稚威三人中袁之才辯而失之滑朱之格高而迫於虛求其文質兼勝能

爲唐之文章者不得不推胡氏爲首選矣一日駢文近世駢文之盛自唐以後未有能抗衡者也其時駢知名者如胡稚孔巽軒宏博奧麗妙絕時人他若更生齋之紀游小倉山房之論事小謨觴館之精鍊玉芝堂之高淡問字堂之淵雅養一齋之寬博靈分館之奇崛眞足以蹴齊梁之藩而入漢晉之室者至於淵懿靜穆擺脫蹊町若汪容甫者則又在諸家之上矣一日詩雍乾間以詩名者不下數十人其執當時之牛耳爲詩界代表者前有沈歸愚後有袁子才蔣心餘沈詩流於腐袁詩近於浮蔣詩習於粗不善學者易滋流弊是故於雍乾兩代論詩吾獨取黃仲則舒鐵雲此當時文學變遷之大勢也

時事采新彙選第五卷

六 丙午九月廿一日刊

由雍乾而入嘉道時局又不同矣嘉道之時立國已久康熙朝帝王又善於操縱之術在下者已相忘於無形文字之獄少寬講學之禁亦弛加以乾隆季年政局日益腐敗變倖富國罄天下之力以奉一人極盛之餘難乎爲繼外則有英人鴉片之戰爭內則有白蓮教徒之暴動有志之士生乎此時受種種方面之激刺漸知墨受訓詁之益益實際也於是諸學派突然並興而另組成一學統試詳述之一曰西漢今文學派乾隆中葉崇尙馬鄭之學舉國若狂至於極點後起之士欲求勝前人非另立一職不可於是微言大義之說興焉微言大義者以今文爲孔門眞傳以古文爲劉僞造謂公羊爲羣經樞紐欲直紹西漢博

之傳其思想蓋至高尙也始治今文者爲莊存與劉申受至龔定安魏默深宋于庭陳卓人諸人出其勢力始盛大其理論引証始完全駁駁乎奪惠戴之位置而別闢一講席當其時雖有汪孟慈江子屏諸人尙守惠戴家法然勞力遠不相及不能奪方張之燄而揚既死之灰也

一日輿地學派從前諸儒若齊次風全謝山諸人皆以兼通輿地之學著名於時然諸氏之治輿地非借以說經即用以致史所研求者又多半專於本部非眞能探索險隘相度形勢以求有裨實用也自龔魏諸人興始究心於域外輿地近而蒙滿遠而歐西皆攷其輿經誌其沿革勒爲專書若龔氏之蒙古地理若魏氏之海國圖志若張氏之

時事采新彙選第五卷

七 丙午九月廿一日刊

蒙古遊牧記諸書於實學關係至非淺鮮固非墨守紙上陳言者所能同日語也一日漢宋調和學派漢宋之爭自古已然而近世爲尤著始倡尊漢抑宋者爲毛奇齡繼之者紀昀和之者戴震而姚鼐方東樹則又以文士而倡宋學與治漢學者相排抵無已時凌廷堪出始提倡理禮合一之說謂漢學不能舍性理而不談宋學亦不能廢者據於無用學者始稍稍附會之至番禺陳澧著讀書記祛門戶之見欲合二派爲一家取鄭玄朱熹之說而比附之雖然吾以爲漢學遁於破碎宋學失諸空虛宗派不同而破碎害道非孔子之眞傳則一是伐黨同代異日以攻擊爲事者固非即調停兩界

欲強不同以爲同者亦未爲得也

改府縣官制私議錄時錄 武陵余嘉錫撰

中國郡縣官制古非不善也其後逐漸變革率多苟且因時滅裂而不師古至明季而大壞其弊在乎小官少而大官多顧亭林蓋嘗太息痛恨言之矣我 朝定鼎主於因其俗用其民是以官制雖微有改革而大致因明之舊然富全盛之時 君明臣忠督撫以下奉職惟謹且盛世之民易治故尙無大害及乎今日國勢日弱亟亟於興利除弊無事不責地方官之力州縣職微權輕其力常不足昔以聽訟催科責之且時多竭蹶今又責之以諸新政其才力聰明萬不足以濟爲上官者又多方牽掣之遂至一事

時事采新彙選 第五卷

八 丙午九月廿一日刊

難成而官制之弊乃大著乃者恭奉 明詔預備立憲又以更張庶政必自官制入手於是 詔設編制局簡派王公大臣會議近聞京官之制大致已定因改革之始不厭求詳故加意斟酌尙未入 奏俟京官之制既定而後及於外官然竊從新聞紙中見有擬定官制大綱則外官亦已議其大略矣雖其說之確否尙未可知而輒生望治之心切故不待其宣布而私議焉竊以其府縣之制爲有所未盡故將其改革之意就中國史事詳加考證而後申論其不便者大綱略云（將道府兩級裁去而以縣直隸於督撫以地之廣狹民之多少區爲三等大縣進爲府長官改稱知府正四品中縣進爲州稱知州小縣爲縣稱知縣

時事采新彙選 第五卷

九 丙午九月廿一日刊

皆從四品不相統屬而同受監督於督撫於其下設四部署各有曹屬以分治內務警務稅收監獄之事而受成於本縣又設鄉官以實行地方自治 謹案漢制萬戶以上爲令秩千石至六百石減萬戶爲長秩五百石至三百石唐制縣有京畿上上中中下下六等其品級自正五品至從七品有差明太祖吳元年以稅糧多寡定縣於上中下三等其品級有從六正七從七之殊此卽今議改之制所仿也蓋尊其秩則舉動得以行其志與其品則量移得以稱其才法至善矣至於四部曹屬之設則漢斗食佐史之職鄉官之制則漢三老嗇夫游徼亭長之遺舉而措之得人而任焉復古之治其在斯乎若夫道員者漢刺史唐觀察使之職也刺史觀察使專一州一道之事其任重而責嚴今事權屬諸督撫庶政責諸府縣道員發乎其間無所事事其職名爲承上啟下而察其所事不過轉行而文書已常見道員與知府公牘輒曰「奉撫憲札開某事等因奉此到道合行札飭札到該守卽使遵照」不自著一語於其間所謂承上啟下者如是而已府縣公牘本可直陳於督撫以爲道員所轄必補公牘與之否則阻撓之至備遇疑難之事而請命焉則又謔之督撫兩司掩耳而不欲聞間或妄出意見指短論長督撫聽之者十常八九及乎事敗則又以非其所專責得道遙於事外州縣之去督撫遠而去道也近故媒孽易行而威權易施擇肥而食爲所

欲爲利侔於督撫而責輕於佐貳故道員者官場之驕子也今舉而裁之其有益治道甚大獨至知府之裁則慮以爲有二不便焉今大省率百餘州縣小者猶數十縣域至千餘里將使州縣直隸於督撫督撫一人之耳目果能周乎耳目不周則監察不及而弊文并法之事得以行矣雖今舉行地方自治鄉會得以干涉政事縣官不過總其成然今日特預備立憲而非實行立憲也人民程度不齊風氣未開之地求一鄉官之才而不可得者戶姓狃於習慣必仍倚賴縣令縣令攬權以陵其曹屬鄉官一二劣紳或從而左右之借新政之名爲吹求之具而百姓受其虐者不知凡幾矣昔者有道有府百姓得以就近上控然其政

時事采新彙纂卷五

十

丙午九月廿一日刊

屈能自伸者猶十不獲一今併知府裁之則百姓無所告訴州縣恃其遠而憑其威例求不獲迨至潰敗決裂必不得已問於督撫不過以查辦了之而事已不可收拾且知府去州縣近而情親可以教誨裁抑之州縣行政不得其平問於知府爲知府者苟非甚不肖必顧忌輿論爲之平反或者幹旋而戒諭之今既直隸於督撫督撫責繁而職尊必不能躬親案牘事事爲州縣作導師也卽八司雖分任一事亦未必能察見至隱而使州縣無遁情也此裁知府不便者一地方官辦事視乎權限而疆域者權限之所及也疆域分而界限之見生焉卽以學務論各府皆有學堂甲府之人入乙府學堂者乎有乙府學堂經費派之

甲府者乎夫同利則情義異地則勢睽故今日不能融化省界府界之見者勢也凡舉行新政其重且大者常合一府以謀公益又首縣多較外縣繁盛易於舉事外縣附之以爲利焉今裁去知府使首縣擁其空名則外縣之人必以界限自畫而不肯同心任事同之大事合一府謀之者勢必散之各縣其力常不足事又繁而無統雖地方志七仍可自行聯合然舉事常難官爲提倡其官既不相統轄則必觀望不前不能受通力合作之益此裁知府不便者二且考歷代官制夏殷以上靡得而詳矣文云周制天子地方千里分爲四縣縣有四郡此以縣統郡者也周禮小司徒云四甸爲縣四縣爲都此以都統縣者也春秋各

時事采新彙纂卷五

十一

丙午九月廿一日刊

國多同此制至六國乃以郡統縣而秦因之置三十六郡漢承而不改又分天下爲十三州各置刺史人以監諸郡至隋文帝時遂罷諸郡以州統縣矣宋改刺史爲知州已而大州多升爲府遂以府統縣沿襲至今蓋自周室以來雖名稱有不同然皆有長官監察屬縣大者不過廿餘縣爲一部小者二三縣而已從未有以數十百州縣而統轄於一人者蓋於事誠不便而於理爲難行也難者或曰今之知府多取求州縣而不事其事於行政實無所益又舉行地方自治之後鄉官各治其鄉之事而縣令總其成府之職已暗移於縣縣令職崇事繁不必論賴知府也今不加裁撤則彼益無事不徒爲州縣累乎不知愚非謂知

府不當裁也特裁之而無監督屬縣之官則於事不便耳
今誠取天下知府領縣多寡不均者畫一之大者不得過
十縣仿直隸州之制裁去附郭知縣而使知府兼管縣事
且使監督屬縣令之賢不肖得以舉劾之州縣常政不
必白府以省案牘之繁惟事之重且大關乎國郡者則請
知府主其事如此則知府不能取求州縣州縣不必伺應
知府而於政治得收大小相維之益通力合作之效愚以
爲制莫善于此矣今外官之制議定計尙需時日諸王公
大臣卓識宏猷超越前賢必能集思廣益斟酌盡善固無
煩下士之過慮然懷其所見著爲私議冀採風者得而士
之土壤細流或亦有裨於高深耳

時事采新彙選第五卷

十一 丙午九月廿一日刊

光緒三十二年九月二十二日

陸軍部鑒儀衛肅白旗值日無引 見 甘肅臬

司黃雲到京請 安 鹿傳霖等謝調授缺

恩 察哈爾都統松壽謝 恩

陸軍部奏派查齋之大臣 派出兜欽芬車常山

額勒春英信全福玉璋善豫

召見軍機 鹿傳霖 陳邦瑞 黃雲

內閣呈進 勾到本

提督衙門奏據左翼翼尉烏珍右翼署翼尉清山署

副翼尉秀昌署委翼尉吉陞正翼小隊副尉隆福等

督率章京德順玉林領催常啟斌順常保等帶同弁

諭旨恭錄 光緒丙午九月二十二日

兵仕西安門外等處拿獲鎔化富十大錢人犯王山

吳順卽吳永兒等六名又據左翼翼尉烏珍署右翼

翼尉清山等督率弁兵會同南營候補把總郭俊郭

壽增等在西四牌樓富街廟地方拿獲鎔化富十大

錢改鑄銅枚人犯閻振本等四名均請交法部

上諭宗人府左宗正者善耆轉補右宗正者魁斌補授訥

勒赫著補授石宗人欽此

上諭載澤著管理武備院事務欽此

上諭陸潤庠著以尙書兼管順天府府尹事務欽此

上諭大理院少卿作爲正三品著劉若曾補授欽此

上諭呂海寰未到任以前正黃旗蒙古都統著明啟署理

欽此

軍機大臣而奉

諭旨本月二十六日還宮所有是日奏事當差執事之王

公文武大小官員均著穿蟒袍補褂欽此

旨正白旗滿洲副都統著景恩調補所遺廂黃旗蒙古副

都統著張英麟補授欽此

旨正黃旗護軍統領著薩廉補授欽此

旨崇壽著補授正白旗漢軍副都統廂紅旗漢軍副都統

著溥綱補授欽此

旨正紅旗滿洲都統著載灃調補所遺正白旗漢軍都統

著溥輿補授訥勒赫著調補廂紅旗滿洲都統所遺廂

諭旨恭錄

光緒二十二年

二

黃旗蒙古都統著清銳補授欽此

旨呂海寰著補授正黃旗蒙古都統廂紅旗蒙古都統著

葛寶華補授特圖慎著補授廂藍旗蒙古都統廂藍旗

漢軍都統著景濤補授欽此

旨廂藍旗滿洲副都統著僕壽調補所遺正白旗漢軍副

都統著李殿林補授欽此

安徽論 劉大公報

安徽之地居江淮之間形勢險固鈴轄阻深古代視爲要區及康熙六年與江蘇分省而治於是皖省之地益屹然爲長江重鎮今之論者徒以皖省爲長江門戶東守梁山采石西絡田家鎮黟山山脈橫其南大別山脈繞其西表裏山河足以自守不知東南大勢常視皖省爲轉移其地處吳頭楚尾之交故東南之變遷多起於皖省昔賈誼有言益淮陽足以制吳楚李綱云江南爲根本當先理料淮甸蓋皖省之于金陵有高屋建瓴之勢觀三國之時魏地跨有淮南而吳都建業其所以傳國數世者則固守巢湖之效也故戰爭之地咸在合淝東晉之時五胡稱兵于河時事采新彙選第五卷

四年九月廿二日刊

朔而首都金陵猶能偏安江左者則戰勝淝水之效也故戰爭之地咸在壽春南宋之時金人出師淮北而宋守江南猶能偷安一隅者則扼守洪澤湖之效也故戰爭之地多在盱眙若夫隋之平陳則由陳失淮南致隋師出於采石宋平南唐則由南唐失淮南致宋師出於清流關則皖土之存亡關繫於江南之興廢可知也昔楚守鍾離州來巢邑以拒吳師及三邑入於吳吳師繞長淮以沿漢納而入郢之禍肇陳涉起大澤師在宿州之南遂能西下陳城使陳嬰之師別由西南下九江而江漢之地危楊行密起淮南得安慶之地遂西取蕲黃以略漢東之土明太祖興於濠泗由滁和南渡復能破友諒之師由九江而下武昌

時事采新彙選第五卷

一 兩月九月廿二日刊

是故以魏武之雄略特堅石勒之衆拓跋宇文之盛不敢驟窺江鄂者慮淮南之兵尾其後也咸同之際洪楊肇亂以之慶廬州爲巢窟遂詎引軍西犯以殘破漢陽武昌則鄂省雖居上游而往往受制於皖省由是言之皖省者介於金陵武昌之間而蘇鄂兩省之關鍵也一旦有事則吳楚均受其害今政府知蘇鄂兩省之重要鎮以重臣而視皖省則甚輕是猶知二五而不知有十也且夫皖省有不可及者三一曰兵強昔孫策定江東楊氏守鳳廬略地攻城多屬淮南勁旅六朝南宋中土式微強兵巨鎮多夾長淮所用之師大抵按土就徵卒能捍固疆宇抵制敵軍明祖初興良將勁兵均產于淮泗之間用能橫行區宇削平

時事采新彙選第五卷

二 兩月九月廿二日刊

奇績如戡平吳越轉戰青徐拱衛燕薊厥功甚偉以迄於今遺烈未衰則中國欲謀強兵不得不資皖省之民一曰民富安徽之地人民饒足大江南北田疇沃衍接陌連阡皆賴圩田蓄泄之利南則太平寧國北則無爲和州咸稱財賦之區淮北之地雖沙土漂輕水流不蓄然平原浩曠使於耕耘所植之穀以菽麥爲適宜昔劉馥鄧艾興陂堰事畊屯轉輸不勞軍用饒足吳塘芍陂至今賴之是皖省水利非不可興又如六安之茶滁和之棉鳳穎之豆桐城之烟草均爲出口貨之大宗若普設工廠振興實業必可日躋于富徽州一府山多田少財用或仰給外方而皖南之民精于理財嫻于經商徽歙之民尤以商業著聞中國各省徽人營業其間者以億兆計故阜財之道日廣則中國欲謀富國不得不資皖省之財一曰民智蒙亳之地自老莊倡道家之說戰國之時學士大夫多遵其說至于南宋朱子崛起集宋學之大成而心性之說于焉大明其學蓋衣被百世矣入國朝以來皖省學風尤能漸被全國自梅定九殫精天算足備治厯明時之用爲近日講求實學之祖汪雙池好學深思善于卽物窮理推輪輻路以啟後賢及江氏慎修篤於治經于典禮音韻呂律之學力造其微戴氏東原繼之爲學先立科條窮源溯流而性理之學祖述漢儒繼起之士若金洪程陵之流咸以嗜古著聞學者奉爲大師桐城之士崇尚氣節而望溪方氏之文效法

歐會海峯劉氏秉其師承以傳姚氏而桐城之派以立厥後徽歙之學播於淮陽之間桐城文派傳於湘寧嶺粵由是皖省學派布滿海內而文章學術均爲他省所莫及迄于今日郡邑之間不乏方聞綴學之彥則中國欲謀興學不得不資皖省之才此則皖省與中國之關係也迺近來民情強悍有尙武之風及生計日艱則強者流爲盜賊以貽害生民遠則苗李弄兵近則瀟陽肇亂前車之轍固不遠也况穎毫之地密邇豫東宿州之疆毗連徐土姦民嘯聚乘機竊發而長江附近則又梟匪所聚居大通荻港聚者萬人皖南之地山深林密便于逞不軌之謀試卽近事言之祁門之匪恃樂平之匪爲聲援而青陽建德之間亦

時事彙編第五卷

四 兩午九月廿二日刊

亂耗蠶至今也淫雨爲災江淮以北悉成澤國膏腴之壤墾於洪流禾稼不登饑饉荐至而皖南皖北米值日昂貧困之民得穀匪易際此水深火烈之日重以昏庸醉飽之官霍山大兵連派不止民離土怨隱患方深若有不逞之徒煽惑於其間雄鷲之才主持於其際恐苗李之禍再見於今日況更有大於苗李者乎此內亂之可虞者一也安徽居長江之中自蕪湖開關以來外人居留者日衆而交涉亦日繁煤油設廠輪舟設埠咸有爭地之求幾啟外交之局安慶之地復將開埠商務既興交通日廣鄰之策不得不先事講求況長江附近既入英人勢力範圍故銅陵鑛約爭執數年廢約之期未經宣布又法人執均勢之

說以抵制英人故建德等案要求無已而近歲德人經營山左思擴勢力于長淮故皖北之地教堂林立壽州懷遠強貨民居夫皖北民風僿褻仇洋之念日蓄于中倘無業游民乘機仇教則德人之兵艦必停泊于洪澤湖以搜壽州之鑛產湘贛之事可爲殷鑒况巢湖之航路徽廣之鑛山外人窺伺已非一日一旦外交棘手敗西鄰之責言則外人之勢力日以擴張而瓜分之禍急矣此外外交之可虞者又一也皖省之重要既如此而其危險也又如彼政府而不欲中國自強也則已矣如欲中國自強盡於皖省稍留意哉

論立憲預備之最要 錄大公報

時事彙編第五卷

五

兩午九月廿二日刊

自七月十三日立憲之詔旨既下滬上諸報咸有發揮推釋之文或籌預備之基或論實行之法或責難於官吏或貢議於國民崇論閎議詳矣備矣顧本報尙有不得已於言者夫天下之事未有有果而無因者亦未有有因而無果者因果相成而天演之用形焉各國之立憲也皆先有主動於立憲之始者磅礴鬱積蓄之數十年而憲政始立然則憲政之立不過爲此數十年所造之因結其果而已是故法之憲法非成於拿破崙監國之日也美之憲法非成於華盛頓定鼎之日也德之憲法非成於聯邦制定之時也日本之憲法非成於告廟誓衆之日也卽英倫憲章淵源最古號稱習慣彼其自盎格魯撒遜民族入主以來

千餘年間所以休養而生息之者固已久矣獨我國前無所承二千餘年國民渺不知立憲為何事而渙號之頒恩出自上斯真五洲萬國所絕無而僅有者也然則各國之所謂果者在我國則反為因矣因果既殊則所以變通措置之方亦必有迴殊於他國者斯固勞之所必然者也今所謂預備之最急者曰改革官制也曰強迫教育也夫官制之於憲政精微深復維其關係之重要人人知之朝廷設局討論思獻納自必有以甄羣言而擇至善顧其中有根本之根本焉則官寺之必宜廢罷與滿漢之必宜融合也使二者悉仍其舊而徒朝增一局夕併一職經緯萬端纖悉必具其於憲政之行會無絲毫之效用耳官寺時事采新彙選第五卷

六 四年九月廿二日刊

之害歷史盡之我 朝家法森嚴官府一體宮庭贊御不過供奔走洒掃之勞夫何敢干預政權自投天網顧其原理與其情勢則真與憲政有不能並立者往者秀水陶勤肅公督學時會上疏痛陳其弊議立予革除以蘇千禧之疾其時當回 鑾伊始白事草創未及施行議者惜之夫官寺之為禍三尺童子猶能言之而英君詎辟顧隱忍而不能決去者祇以人主九重端拱臣民隔絕秘密尊嚴不欲雇用僕隸使天下之人得望見顏色耳今者 兩宮仁聖獨伸天罰不惜舉二千年來一人所獨據神聖不可侵犯之權與天下共之矣豈其獨靳此區區而不掃蕩革除以滌此萬古冊書之污點也

狂者會下 明詔弛滿漢通婚之禁矣未幾而京外滿蒙大員之缺且間用漢員充補矣若是乎滿漢之見已悉破除而可以訴合無間矣乎曰未也從來兩民族並處無論若何和睦決無終古不相爭者斯實天演之實力使然非人力之所能為也欲弭其爭先合其族歐洲諸國近紀已來日臻強盛而奧國則退然獨後者則以奧國本族與匈牙利族利害衝突之故滿漢之始為一族與否書缺有間莫可詳稽要之上古之初決當同出一本其性情形體猶可明證非如奧匈之為高加索蒙古利亞兩種黃白各異原無可合之理也況中外一家逾二百年滿人之言語風俗其同化於漢族也久矣又何必分此無謂之畛域以伏

時事采新彙選第五卷

七

四年九月廿二日刊

他日閱牆之萌蘖乎魏孝文之變法也俾代北舊人悉從漢姓隋唐之間封侯伯驥將相者半拓跋之裔也謂宜參酌變通令滿洲諸族以其本姓之首一字為姓能除雉梠使成土著俾天下瞭然知之聖意之所在而油然而生其同舟共濟之心則彼滿人之倡強滿弱漢與漢人之倡革命排滿者庶無所伸其喙而憲政之本原可以立矣

光緒三十二年九月二十三日

法部大理院廂紅旗值日無引 見 肅王謝授

宗人府左宗正 恩 睿王謝授宗人府右宗正

恩 順王謝授宗人府右宗人並謝授廂紅滿都統

恩 醇王等謝調授缺 恩 澤公謝管理武備

院事務 恩 戴鴻慈等同鄉官謝 恩 李

拔藻謝原品食俸 恩 內務府奏派管理處所

派出奎俊 圓明園 文淵閣 造辦處 上駟院

精捷營 禮祿 中正殿 紫禁城值年 樂部

增崇 寧壽宮茶膳房 莊山 雍和宮 榮壽固

倫公主家務 內閣呈進 勾到本

召見軍機 戴鴻慈 紹昌 張仁勳

諭旨恭錄 上諭那桐翟鴻禎均著開去國史館差使孫家鼐著充國

史館總裁李紱操著以侍郎充國史館副總裁欽此

上諭翰林院為文學之班都察院有獻替之責該堂官及

所屬各官均應量予津貼用示體恤嗣後翰林院著每

年賞銀三萬兩都察院著每年賞銀四萬兩由度支部

發給著該堂官自行酌定數目其編檢以上及科道各

員一併分別勻給如有聲名平常不知自愛者即著該

管堂官隨時甄別據實奏參以昭懲勸欽此

上諭察哈爾副都統魁福著准其開缺額勒渾著補授察

哈爾副都統欽此

上諭都察院為朝廷耳目之官於一切政事闕失民生疾

苦自應留心考核據實指陳近來科道等官識見通達

議論純正者固不乏人而毛舉細故無當大體者亦時

不免茲當新定官制預備憲法之時該衙門糾察行政

責任綦重務令舉能其官無忝厥職庶幾廣忠益而通

下情嗣後應如何激揚夙憲整飭台綱以及保送御史

應如何慎加遴選嚴定考成俾無濫列之處著軍機大

臣大學士各部參預政務大臣會同都察院堂官一併

妥議具奏欽此 軍機大臣奉

諭旨政務處者改為會議政務處欽此

上諭岑春煊奏甄別庸劣不職各員一摺貴州候補知府

劉寅凌嗜好甚深利心尤重試用知府李士林心地糊

塗不勝表率試用通判魏光榮性情浮躁不知檢束許

特任老而務得言偽行乖補用知縣姚春麟躁妄無知

致遭物議古州同知照磨李宗英縱差索詐不洽輿情

開泰縣典史張立綱擅受招搖被控有案前署清平縣

典史吳勉羈押無辜胆大妄為均著即行革職試用通

判王治年老耳聾志氣昏惰著勒令休致補用知縣顏

楷年少喜事罔知政體著以縣丞降補施秉縣知縣李

鳳來輕信團保舉劾粗疏著開缺另補另片奏遵義協

副將余孝安語言妄誕昏憤無知提標前營遊擊王洲

庸懦無能難期得力凱里營都司呂閣珍性嗜賭博聲

名甚劣雲騎尉世職劉相皋性情狡詐肆無忌憚著一

併革職餘著照所議辦理該部知道欽此

旨 鴻偉著調補副黃旗蒙古都統所遺正黃旗漢軍都統

著清銳調補欽此

論臣民之權利自由（錄自天時報）

論泰西之國法者時有天賦人權之說即曰人之稟生於地球上也凡必要全其生命之權利自由者本於天意而自然具有之不許以國家之人爲而奪之也然此說誤矣何也夫自然之境僅有弱肉強食之關係以強者之強無能禁其乘弱者之弱而所謂弱者猶且得完其生命是唯上賴國家不問強弱貴賤公平保護人人之生命凡爲生活發達所必要之條件必立法律以保明之使人人勿或相侵國家亦不以其公力而侵之即稱其不爲他人或國家所侵之範圍而曰自由曰權利而已故權利自由者非天賦而爲國家之作爲者也凡立憲之國於憲法保障臣民之權利自由使各個臣民在法律所定區域之中享有其自由行使其權利而綽綽然有餘裕謂之立憲之自由以別夫天賦之自由立憲之權利自由就以下各項說明之

（一）生命之安全

大學衍義補曰圓顱方趾之民莫不愛其身體氣力也莫不愛其父母妻子也莫不愛其田廬資產也上之人不以興作疲其筋力不以刑法殘其體膚不以征伐散其父母妻子不以誅求耗其田廬資產則凡民之所愛皆爲其所不能省刑罰薄稅賦不窮兵以黷武不營作以勞人則民咸

時事新報選錄第五卷

西曆九月廿三日刊

有樂生之願而無輕死之心禍亂不作而君位永固國祚無窮矣則固本之道清國昔所固有唯與泰西國法學說明之法稍異耳就泰西國法學而論之國家以臣民生活之發達爲其窮極之目的者也故國家不獨設法嚴罰私人之殺傷他人而已又於以國家之權力與萬不得已之時之外不可不保證無傷臣民之生命此近世國法之第一要義也其所謂萬不得已之必要者在夫爲公明而刑罰之場合爲非常緊急時以警察手段對於臣民使用兵器之場合爲兵役之義務出征之結果爲敵所殺傷之場合此等場合皆以法律確定之不使官吏專斷而處決之此又爲立憲政體之第一要義

時事新報選錄第五卷

西曆九月廿三日刊

（二）人身之自由

假令生命存在之臣民無各從所欲而爲動作之自由則不得管其生命發達必要之事業此人身之自由所以爲臣民發達需要之資源也國家以臣民之發達爲其目的而不以此爲源授與臣民是爲自相矛盾故國家不徒設法嚴罰私人之任意監禁他人者即爲官吏亦勿使於法律所定之外妄束縛人身之自由此爲立憲國法之第一要義蓋人身之自由與警察及治罪有密接之關係其間不能容有分毫之餘地勿論於一方保持治安防制之惡及檢察糾治之必要使爲敏捷強勁之處分於他處一方則存重各個人之自由峻嚴其界不使爲威嚴懾